

सैया सतगुरूजी ने देख्या जी,
आज रो भलाई दिन उगियो,
गुरू माने दर्शन दीना जी ॥

आज सैया आंबों मोरियो,
सतगुरु सायब आया जी,
गुण भर लाया निज नाम री,
लद बालद लाया जी,
सैयां सतगुरूजी ने देख्या जी ॥

अली गली में रूल आवना,
सुख आनंद बदास्या जी,
सुख रा सागर गुरुदेव जी,
दर्शन सुख पास्या जी,
सैयां सतगुरूजी ने देख्या जी ॥

प्रीता रा पलंग ढलाय ने,
सुखमण सेज बिछास्या जी,
दूध मंगावा सुर गाय रो,
गुरु जी रा चरण धुलवा जी,
सैयां सतगुरूजी ने देख्या जी ॥

थाल भरावा गज मोतिया,

चोखा चंदन लावा जी,
केसर कंकू घोलने,
गुरु जी रे तिलक लगावां जी,
सैयां सतगुरुजी ने देख्या जी ॥

हरक उतारा हर की आरती,
गुरुजी ने हरक बदस्या जी,
कहे नावलो सरणों सही,
गुरुजी ने सम्मुख पास्या जी,
सैयां सतगुरुजी ने देख्या जी ॥

सैया सतगुरुजी ने देख्या जी,
आज रो भलाई दिन उगियो,
गुरु माने दर्शन दीना जी ॥

प्रेषक जयंती लाल ।
7732917582

Source: <https://www.bharattemples.com/saiya-satguru-ji-ne-dekhya-ji/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>